



乾隆府廳州縣圖志

牧廠新疆  
外藩朝貢

ル 5  
1353  
20



門 呂  
號 1939  
卷 20止



乾隆府廳州縣圖志卷四十九

賜進士及第翰林院編修充 國史館纂修官 臣 洪亮吉撰

牧廠

楊裡木牧廠在 盛京錦州府廣寧縣北二百一十里彰武臺  
邊門外本漢遼東郡地遼金元懿州地明初置廣寧後屯衛永  
樂徙衛治義州遂廢為邊外地

本朝置牧廠

廠境

四至

東西距一百五十里	東北距二百五十里	東至科爾沁左翼前旗界九十里	西至土默特左翼界六十里	南至彰武臺邊門五十里	北至科爾沁左翼前旗二百里	自喜峯口至京師一千二百五十里
----------	----------	---------------	-------------	------------	--------------	----------------

御馬廠亦名上牧廠在獨石口東北一百四十五里博羅城本

漢上谷郡北境唐爲奚契丹地金置桓州元世祖初置開平府號上都後升上都路留守司明初置開平衛于此宣德五年徙衛獨石遂廢爲邊外地

本朝置牧廠隸上駟院

廠境

東西距一百三十里

四至

南北距一百七十五里

東至古爾板庫德八十里  
西至鑲白旗察哈爾界五十里  
南至察漢噶爾特七十里  
北至鑲白旗察哈爾界五十七里  
自獨石口至京師六百七十五里

元上都路故城在牧廠東北灤河北岸周四十里內有大明儀天宸慶玉德慈福等殿俱至元中建明初廢洪武二年建開平衛于此宣德五年移開平衛治獨石遂棄地三百餘里金桓州故城在廠北

禮部牧廠在張家口西北二百三十里查喜爾圖插漢地本漢代郡北境明天成衛邊外地

廠境

東西距四十六里

四至

南北距六十五里  
東至鑲黃旗牧廠界  
西至正黃旗察哈爾界  
南至正黃旗牧廠界  
北至正黃旗察哈爾界  
自張家口至京師六百四十里

太僕寺左翼牧廠在張家口東北一百四十里喀喇尼墩井本漢上谷郡地元爲雲州地及興和路東境明宣德後爲宣武邊

外

廠境

東西距一百四十里

四至

南北距五十里  
東至宣化府邊界七十里  
西至鑲黃旗牧廠界三十里  
南至鑲藍旗牧廠界三十里  
北至鑲黃旗察哈爾界二十里

自張家口至京師五百五十里

太僕寺右翼牧廠在張家口西北三百五十里齊齊爾漢河本漢雁門郡疆陰縣地明為大同府邊外

廠境 東西距一百五十里 南北距六十五里

四至 東至正黃旗察哈爾界六十里 西至鑲黃旗察哈爾界三十里 南至大同府邊界三十五里 北至正紅旗察哈爾界三十五里

自張家口至京師七百二十里

漢疆陰故城在廠境

鑲黃等四旗牧廠在張家口北一百里控果羅鄂博岡本漢上谷郡地唐新州地金置撫州治柔遠縣屬西京路元為興隆路皇慶元年改為興和路明初置興和守禦千戶所于此永樂二十年徙治宣府遂廢為邊外地

廠境 東西距一百四十里 南北距一百五十里

四至 東至鑲藍旗牧廠界九十里 西至正黃旗牧廠界五十里 南至宣化府邊界四十里 北至鑲黃旗察哈爾界一百一十里

自張家口至京師四百一十里

元興和故城在牧廠西南二十里又北十里為沙城即元中都正黃等四旗牧廠在張家口西北二百里諾莫渾博羅山本漢代郡北境金撫州集甯縣地元為集甯路明天成衛邊外

廠境 東西距一百三十里 南北距二百五十里

四至 東至鑲黃旗牧廠界六十里 西至正黃旗察哈爾界七十里 南至邊界一百三十里 北至正黃旗察哈爾界一百二十里 自張家口至京師六百一十里

金集甯廢縣豐利廢縣並在廠境

八旗牧地 附

察哈爾明時曰插漢本元裔小王子後嘉靖間卜赤駐牧察哈爾之地因以名部後徙帳遼東邊外四傳至林丹汗侵暴諸部太宗文皇帝親征降之即其部編旗駐義州其四旗駐張家口外三旗駐獨石口外一旗駐殺虎口外

鑲黃旗察哈爾駐蘇門峯在張家口北三百四十里本漢上谷郡北境明萬全右衛邊外

旗境

東西距一百六十里  
南北距一百九十里

自張家口至京師七百五十里

正黃旗察哈爾駐木孫忒克山在張家口西北三百二十里本漢且如縣屬代郡後漢省後魏置柔元鎮金為撫州威寧縣地明為天成衛邊外

旗境

東西距一百八十里  
南北距二百八十里

自張家口至京師七百三十里

于延水今名兆哈河在旗東南六十里源出平地又南流入山西天鎮縣界班固云代郡且如于延水出塞外東至寧入沽棧于延水舊入沽今改注濕水平川在旗南界

漢且如故城魏柔元鎮城長川城並在旗東南漢延陵故城在旗境金威寧廢縣在旗西南八十餘里

正紅旗察哈爾駐古爾板拖羅海山在張家口外西北三百七十里本漢雁門郡北境明大同府邊外

旗境

東西距五十五里  
南北距二百八十里

自張家口至京師八百里

鑲紅旗察哈爾駐布林泉在張家口西北四百二十里本漢雁

門郡北境明大同府邊外

旗境

東西距五十里  
南北距二百九十里  
自張家口至京師八百三十里

正白旗察哈爾駐布爾噶臺在獨石口西北二百九十里本漢  
上谷郡北境明龍門衛邊外

旗境

東西距七十八里  
南北距二百九十五里  
自獨石口至京師八百二十里

鑲白旗察哈爾駐布雅阿海蘇默在獨石口北二百四十五里  
本漢上谷郡北境明初為開平衛西北邊

旗境

東西距五十六里  
南北距一百九十七里  
自獨石口至京師七百七十里

正藍旗察哈爾駐札哈蘇臺泊在獨石口東北三百六十一里本

金桓州地元開平府地屬上都路明初為開平衛北境

旗境

東西距二百六十五里  
南北距九十五里  
自獨石口至京師八百九十里

鑲藍旗察哈爾駐阿巴漢喇喀山在殺虎口東北九十里本漢  
雁門郡沃陽縣地後魏梁城參合縣地明大同府西北邊外

旗境

東西距一百一十五里  
南北距一百六十里  
自殺虎口至京師一千里

古鹽澤在旗境班固云沃陽鹽澤在東北又沃水亦在旗境東  
北流注鹽澤

漢沃陽故城後魏梁城廢郡參合廢縣金宣甯廢縣元平地廢

縣並在旗境

新疆

哈密 伊犁 塔爾巴哈臺 闕展 庫車 烏什 葉爾羌 和闐 喀爾噶爾 西藏

哈密在嘉峪關西北一千六百里本古伊吾盧地後漢明帝永平十六年北征匈奴始取其地置宜禾都尉為屯田兵鎮之所後復為匈奴所得順帝永建六年復開設屯田置伊吾司馬一人魏置伊吾縣晉置伊吾都尉皆寄敦煌北界非故地隋大業六年始置伊吾郡旋沒于諸戎服屬突厥唐貞觀四年內附置西伊州六年改伊州天寶元年曰伊吾郡乾元元年復曰伊州領伊吾納職柔遠三縣五代時號胡盧磧元末封族子納忽禮于此明永樂二年內附成化後土魯番強數奪其國旋復旋失卒為土魯番所據

本朝康熙三十五年三十六年頻遣使貢獻遂內附雍正五年七年頻加封爵乾隆十九年掃平伊犁以哈密為錢糧總匯之地特設總理糧餉大臣二員仍沿舊設管糧通判一員哈密城

周四里城西五里餘即哈密回城其王曰伊薩克所轄回城六曰哈密曰素木哈爾灰曰阿思他納曰托哈奇曰拉珠楚克曰哈拉托巴按巴里坤烏魯木齊今已置府州別見甘肅布政司下茲不錄

四至

東至瀚海

西至準噶爾界

東南踰沙磧至瓜州連青海界

北踰天山至鎮西府界又北踰瀚海接喀爾喀界

自嘉峪關至京師七千一百八十里

天山在城北一百二十餘里一名白山禪嶺在城北往鎮西府大道

陸鹽池在城南周回十餘里無魚水自生如海鹽巴里坤池在

天山北直哈密城西北三百里許池周三十餘里

唐伊州及伊吾故縣在境內柔遠故縣在伊州東南納職故縣

在伊州西南

伊犁在烏魯木齊西北二千里漢時爲烏孫國地北魏時爲悅般國尋爲蠕蠕所併後周時入于突厥唐爲西突厥地其射匱可汗建庭處卽今之伊犁城今伊犁本城及附近東境爲唐盟鹿州都督府地伊犁西北境沿河下流爲唐絜山都督府地伊犁東南境裕勒都斯左右地方爲唐鷹娑都督府地貞觀時俱廢宋時無可考元爲阿勒穆爾地明時爲衛拉納地舊爲準噶爾各鄂拓克及各臺吉游牧處乾隆二十年大兵討準噶爾其部衆皆迎降擒其首達瓦齊伊犁平其後阿睦爾撒納煽亂二十二年復討平之特設總統將軍統轄南北兩路其駐防之參贊大臣都統辦事大臣領隊大臣綠營之提督總兵均受節制管轄額魯特土爾扈特及回子各城並外藩之汗王貝勒貝子

公臺吉等各部落二十九年于伊犁川建城周十八里

賜名惠遠城所轄凡九城綏定城塔爾奇城蘆州溝城清水河城霍爾果斯城皆在西北巴燕岱城盤子古爾札城皆在東南

四至

東至登努勒臺接烏魯木齊南界  
西至塔拉斯通布魯特界  
南至天山踰山接回部諸城界  
北踰巴爾噶什淖爾至沙磧  
自伊犁城至京師一萬八百二十里

天山在城東南

伊犁河在城南亦名伊里河卽古伊列伊麗之轉聲也

撻拉巴哈臺在伊犁東北亦準噶爾故地其種人曰打什達瓦亦額魯特之屬地曰雅爾又曰楚呼楚卽阿睦爾薩納前時遊牧之處乾隆二十年準噶爾破滅阿睦爾薩納北走其地空虛大兵平定伊犁以其地據巖疆土宇廣濶因設參贊大臣一員



領隊大臣一員以統之初駐西北屯後移于楚呼楚

特賜今名城周回數里

四至

東北去鄂羅斯境不滿五百里

西至哈薩克三日

南至伊犁十八日

北至哈薩克七日

自塔爾巴哈臺至京師一萬二千餘里

闕展在哈密西七百七十里當屬漢車師國高昌壁地唐置安西都護以統之其後没于西番乾隆二十年平定伊犁以闕展為南路要衝因設辦事大臣一員管糧同知一員以統之城周五里其西二百六十里為所屬土爾番回城又西南五百餘里為賀卜諾爾回城即世傳黃河之源星宿海也自闕展西至和闐四五百里之南自和闐南至後藏四五百里之東周回萬里皆星宿海也闕展相近又有哈喇沙拉亦設辦事大臣一員城

周二里相傳即漢焉耆國也

四至

東至沙城哈密界

西至托克遜城界

南至羅布諾爾界

北至東阿阿雅爾界

自闕展至京師八千里

天山在城北一名白山山東北有風穴故數百里內多怪風又

火燄山在土爾番境

庫車在闕展西本漢龜茲國地唐置安西都護府于此後屬突厥宋大中祥符後屢入貢或稱西州回鶻或稱西州龜茲或稱龜茲回鶻乾隆二十年後以其地為回疆門戶因設駐防大臣一員城周九里其南數十里即戈壁馬行三日地漸沮洳蓋近星宿海矣

四至

東至哈爾沙爾界

西至渭干河界

南至博羅亥界  
北至雪山界  
自庫車至京師八千五百里

天山在城北

黃河在城南土人號計式水

烏什在庫車西北千里亦漢時城郭諸國乾隆二十年大兵破伊犁達瓦齊奔至烏什其阿奇伯克霍吉斯以計擒獻

上封霍吉斯為王乾隆三十年回人復叛伊犁將軍明瑞等討平之四十年

欽賜烏什名永甯城城周數里移參贊大臣一員駐此其東二百里為阿克蘇回城又東四百五十里為拜城又東八十里為賽里木回城皆統于烏什參贊

四至  
東通阿克蘇界  
西通喀什噶爾界

南通葉爾羌界  
北通伊犁界  
自烏什至京師一萬二千餘里

冰山在城北土名八達坂

葉爾羌在土魯番西南二千餘里葱嶺之北即古于闐國地自隋以來本臣突厥唐貞觀二十二年其王伏闐信入朝上元初以其地為昆沙都督府析置十州以其王為都督宋祥符嘉祐中頻入貢獻明永樂六年亦遣使來貢

本朝其地屬回回康熙三十五年國王阿卜都里什特偕其妻子入朝乾隆中平定回疆設參贊大臣一員駐劄于此後移于喀什噶爾又移于烏什此地改設辦事大臣二員城周十數里所轄回城十處曰葉爾羌曰哈杜噶里克曰托古斯堪曰三珠曰契潘曰塔克曰克可牙爾玉拉克曰火沙拉克曰巴里楚

克最遠一城在葉爾羌西馬行十日界乎八達克善曰賽潤羅

四至

東至伊拉都臺

西至沙爾虎爾

南至庫車

北至庫爾塔里木

自葉爾羌至京師一萬零四十五里

葱嶺山在城西南西河舊事其山高六上生葱故名

于闐河在城北今名塔里母河

和闐在葉爾羌南七百里和闐即于闐回人稱漢人為黑探漢任尙都護西域遺其人衆于此和闐回子皆其遺種故回子呼之為赫探城和闐赫探之訛音也南行二十日即後藏西皆崇山複嶺與外藩道路不通東皆戈壁沮洳之場已近星宿海地僻事簡僅設領隊大臣二員受葉爾羌大臣節制所屬回城六曰和闐曰玉瓏哈什曰噶拉噶什曰齊喇曰噶爾雅曰他賀卜

依

四至

東至卜伙子京噶爾

西至達巴果斯

南至必自牙

北至瑪札爾

自和闐城至京師一萬七百二十里

喀什噶爾在西域極邊西北一帶雪山外皆外藩設辦事大臣一員協辦大臣一員同知一員城周數里與鎮城相連其南二百里為英阿薩爾回城為外藩各國入回疆總道設總兵一員鎮之喀什噶爾東三十里為牌斯巴特回城西北一百八十里為握帕爾回城西北二百里為塔什伯里克回城又西北一百里為玉素納爾土什回城喀什噶爾東北一百九十里為阿爾古回城又喀什噶爾西北八百八十里有霍罕亦乾隆中歸附其貢道由回部達京師

四至

東至巴爾場卡倫  
西至烏帕拉特卡倫  
南至俄和拉克齊  
北至阿克他付  
自喀什噶爾城至京師一萬四百七十里

西藏在四川雲南徼外古徼外諸羌戎地兩漢魏晉種落無聞自吐蕃始祖鵠提勃宰野本發羌屬居析支水西并諸羌據其地歷周及隋猶未通中國唐貞觀八年有吐蕃弄贊者始遣使來朝十五年妻以宗女文成公主既而滅吐谷渾盡臣牟同黨項諸羌幅員萬餘里唐末衰弱宋時亦號吐蕃朝貢不絕元憲宗始于河州置吐蕃宣慰司都元帥府又于四川徼外置碉門魚通黎雅長河西寧等處宣撫司世祖時復置烏斯藏郡縣其地以吐蕃僧八思巴爲大寶法王帝師領之嗣者數世弟子號司空司徒國公佩金玉印明洪武六年以攝帝師爲國師給玉

印置烏思藏朶甘二指揮司及宣慰司招討司萬戶所千戶所以元國公南哥思丹八亦監藏等領之永樂中復封番僧爲大寶法王大乘法王等凡八王並給印誥宣德成化間又累加封號後有僧號達賴喇嘛班禪喇嘛者又在諸番王之上

本朝崇德七年遣使歸誠順治九年來朝

賜以金冊金印授爲西天大善自在佛領天下釋教其後遣使貢獻不絕康熙五十三年準噶爾興師侵藏焚毀寺廟迫逐僧衆遣大兵討平之雍正初以貝子康濟鼐總理其地九年晉封頗羅鼐爲多羅貝勒辦理衛藏噶隆事務乾隆四年又晉封多羅郡王給印轄衛藏等處其地有四曰衛曰藏曰喀木曰阿里共轄城六十餘一切賦稅俱進之達賴喇嘛等其互市在四川西徼打箭爐廳等處

藏境

東西六千四百餘里  
南北六千五百餘里

四至

東至四川界  
西至大沙海界  
東南至雲南界  
北至青海界  
貢道自四川打箭爐廳至京師

阿耨達山在阿里達克喇城東北三百十里近古天竺國境

金沙江源出衛之喇薩西北八百餘里東北流九百餘里轉東

南流八百餘里入喀木境名布賴楚河又南流少西八百餘里

名巴楚河又轉東南流六百餘里入雲南永北廳界為金沙江

瀾滄江路江皆發源藏境並南流入雲南麗江府界若水今名

鴉龍江源出裏塘城西北八百餘里東南流約九百餘里入四

川打箭爐廳界今以此江為邊境江之東屬打箭爐廳江之西

為番地

古吐蕃國即今衛地土人相傳達賴喇嘛所居地即唐時吐蕃  
建牙之所

外藩 科爾沁 郭爾羅斯 杜爾伯特 札賴特 土默特  
喀爾喀右翼 喀刺沁 翁牛特 阿霸哈納爾 阿霸

亥 蒿齊忒 烏珠穆秦 歸化城土默特 吳喇忒 鄂

爾多斯 喀爾喀 毛明安 青海 西套厄魯特 土魯番

本秦漢匈奴舊地南至長城北踰絕漢衰延萬餘里貢道由山

海關等不一有白狼烏桓鮮卑等山及龍山松山陰山陽山兼

有烏桓鮮卑蠕蠕二奚突厥回紇薛延陀契丹等故地

本朝龍興蒙古科爾沁部率先來降及既滅察哈爾諸部相率

來歸凡有大征伐並帥師以從及定鼎後 錫以爵祿俾得世

及每歲朝貢因設理藩院以統之共部落二十有五為旗五十

有一

科爾沁六旗分左右旗各在喜峯口東北八百七十里本秦漢

遼東郡北境後漢為扶餘鮮卑地南北朝隋唐為契丹靺鞨地

遼時為上京東境及東京北境金分屬上京北京及咸平路元

為開元路北境明初置福餘外衛以元後兀良哈首領為都指

揮掌衛事後自立國號曰科爾沁

本朝初為察哈爾所侵率先來降

旗境東西距八百七十里南北距二千一百里

四至東至札賴特界西至札魯特界南至盛京邊牆界北至索倫界

自山海關至京師一千二百八十里

鮮卑山在右翼西三十里土人呼蒙格

潢河在左翼西南六十里別于西黃河故曰潢河

鹽池在右翼東南四十里

遼信州故城在左翼東南三百八十里爾爾

郭爾羅斯二旗分前後在喜峯口東北一千四百八十七里本契

丹地遼置泰州昌德軍屬上京金大定間廢承安二年移州于

長春縣以故地為金安縣隸之元為遼王分封地明為科爾沁

所據後分與其弟是為郭爾羅斯

本朝天聰七年來降

旗境東西距四百五十里南北距六百六十里

四至東至盛京永吉州界西至科爾沁界南至盛京邊牆界北至科爾沁界

自山海關至京師一千八百九十七里

鹽池在前旗東北七十里產鹽

遼泰州故城在前旗東南三百里

杜爾伯特一旗在喜峯口東北一千六百四十里本契丹地遼  
為長春州北境金泰州北邊元為遼王分地明為科爾沁所據  
後分與其弟是為杜爾伯特

本朝天聰年間來降

旗境

東西距一百七十里  
南北距二百四十里

四至

東至黑龍江將軍界一百四十里  
西至札賴特界三十里  
南至郭爾羅斯界一百四十里  
北至索倫界一百里  
自山海關至京師二千五十里

札賴特一旗在喜峯口東北一千六百里本契丹地遼長春北  
境金泰州北邊元為遼王分地明為科爾沁所據後分與其弟  
是為札賴特

本朝天命年間來降

旗境

東西距六十里  
南北距四百里

四至

東至杜爾伯特界三十五里  
西至郭爾羅斯界二十五里  
南至郭爾羅斯界一百五十里  
北至索倫界二百五十里  
自山海關至京師二千一十里

土默特二旗

分左右

在喜峯口東北五百九十里本古孤竹國漢

置柳城縣屬遼西郡為西部都尉治晉咸康中燕慕容皝改為  
龍城縣遂建都號和龍宮元魏為營州治隋復置柳城縣為遼  
西郡治唐為營州都督府治後為奚所據遼太祖平奚置興中  
府治興中縣隸中京道元降為州屬大寧路明初以內附部長  
為三衛指揮使自錦義歷廣寧至遼河曰奉寧衛其後地為蒙  
古土默特所據

本朝天聰三年來降

旗境

東西距四百六十里  
南北距三百一十里

四至

東至楊檉木牧廠界  
西至喀喇沁右翼界  
南至盛京邊牆界  
北至喀爾喀左翼及敖漢界  
自喜峯口至京師一千里

漢柳城故城在右翼西遼川州故城在右翼東北建州故城在

右翼西南

札魯特二旗

分左

在喜峯口東北一千一百里本漢遼東郡北

境唐屬營州都督府後入于奚遼為上京道地金屬北京路元屬上都路明為蒙古札魯特所據後屬于喀爾喀

本朝天聰二年舉部來歸

旗境

東西距一百二十五里  
南北距四百六十里

四至

東至科爾沁界  
南至科爾沁及喀爾喀界  
西至阿祿科爾沁界  
北至烏朱穆秦界  
自喜峯口至京師一千五百一十里

阿祿科爾沁一旗駐渾圖山東在古北口東北一千一百里遼為上京臨潢府地金為大定府北境元為遼王分封地明初于兀良哈地置衛為外藩後自號阿祿科爾沁

本朝天聰六年來降

旗境

東西距一百三十里  
南北距四百二十里

四至

東至札魯特界三十里  
西至巴林界一百里  
南至喀爾喀左翼界二百里  
北至烏朱穆秦界二百二十里  
自喜峯口至京師一千三百四十里

敖漢一旗駐古爾板圖爾噶山在喜峯口東北六百里本古鮮



卑地唐屬營州都督府後入于奚遼金爲興中府北境元爲遼王分封地明爲蒙古喀爾喀所據後分與其弟號曰敖漢後屬于察哈爾

本朝天聰元年來降

旗境

東西距一百六十里  
南北距二百八十里

四至

東至奈曼界六十里  
西至喀喇沁界一百里  
南至土默特界二百里  
北至翁牛特界八十里  
自喜峯口至 京師一千一十里

奈曼一旗駐章武臺在喜峯東北七百里本古鮮卑地唐屬營州都督府後入于奚遼金爲興中府北境明爲蒙古喀爾喀所據後分與親弟號曰奈曼

本朝天聰元年來降

旗境

東西距九十五里  
南北距二百二十里

四至

東至喀爾喀左翼界四十里  
西至敖漢界五十五里  
南至土默特界一百二十里  
北至翁牛特界一百里  
自喜峯口至 京師一千一百十里

喀爾喀左翼一旗駐插漢河朔墩在喜峯口東北八百四十里本古鮮卑地後入于奚遼爲上京道南境金屬北京路明爲喀爾喀所據其首袞布伊爾登素役屬于西路札薩克圖汗後與有隙率部落降于

本朝

旗境

東西距一百二十五里  
南北距二百三十里

四至

東至科爾沁界七十五里  
西至奈曼界五十里  
南至土默特界一百里  
北至札魯特界一百三十里

自喜峯口至京師一千二百十里

喀爾喀右翼一旗駐他魯渾河在張家口西北七百里本漢定襄雲中二郡北境唐為振武軍地遼為豐州地屬西京元屬大同路明為喀爾喀所據其臺吉本達爾伊素役屬于土謝圖汗後與有隙遂率部落降于

本朝

旗境

東西距一百二十里  
南北距一百三十里

四至

東至四子部落界六十五里  
西至毛明安界五十五里  
南至歸化城土默特界七十里  
北至瀚海六十里  
自張家口至京師一千一百二十里

喀喇沁本二旗

分左

新添一旗本春秋時山戎地秦漢遼西郡

境後漢為鮮卑地晉為慕容氏地元魏時有庫莫奚居此唐初

內附置饒落都督府隸營州後分為東西奚尋併于契丹遼統和中以故奚王牙帳建城號中京大定府金貞元二年更為北京置留守司元初為北京路總管府至元七年改為大甯路二十二年改為武平路後復為大甯隸遼陽行省明洪武中置大甯都指揮使司封皇子權于大甯為甯王以鎮之二十一年改為北平行都指揮使司永樂初改封甯王于江西徙大甯都司于保定以大甯地賜三衛酋長朶顏最強後為察哈爾所滅以地予其塔布囊是為喀喇沁

本朝天聰年間來降

旗境

東西距五百里  
南北距四百五十里

四至

東至上默特及敖漢界  
西至正藍旗王屯界  
南至邊牆界  
北至翁牛特界

自喜峯口至京師七百六十里

遼利州故城在左翼東北龍山故城在故利州西南元大甯故城在右翼南會州故城在右翼南二百二十里金廢高州在大甯城西北大定廢縣在大甯城內長興廢縣富庶廢縣和衆廢縣武平廢縣松山廢縣並在大甯城境金源廢縣在右翼界阜俗廢縣在故利州地

翁牛特二旗分左在古北口東北五百二十里本唐饒樂都督府地遼置饒州匡義軍節度屬上京道金為北京路地元為上都路地明初以兀良哈部長置衛為外藩後自稱翁牛特服屬于阿祿科爾沁

本朝天聰七年率部落來歸

旗境

東西距三百里  
南北距一百六十里

四至

東至阿祿科爾沁界  
西至熱河禁地界  
南至喀喇沁及敖漢界  
北至巴林及克西克騰界  
自喜峯口至京師七百六十里

遼廢饒州在右翼界內

阿霸哈納爾二旗

分左

在張家口東北六百四十里本漢上谷

郡北境晉為拓跋氏地隋及唐初為突厥所據遼為上京道西境金為北京路西北境元屬上都路明為蒙古所據是為阿霸

哈納爾役屬于喀爾喀車臣汗

本朝崇德年間來降

旗境

東西距一百八十里  
南北距四百三十六里

四至

東至蒿齊忒界  
西至阿霸核右翼界  
南至正藍旗察哈爾界  
北至瀚海

右翼自張家口左翼自獨石口至 京師並一千餘里

阿霸亥二旗分左在張家口東北五百九十里本漢上谷郡北境晉為拓跋氏地隋及唐初為突厥所據遼為上京道西境金屬北京路元屬上都路明為蒙古所據是為阿霸亥初役屬于察哈爾後往依喀爾喀

本朝天聰九年察哈爾已滅遂率所屬來降

旗境

東西距二百里

四至

南北距三百十里

東至阿霸納爾界

西至蘇尼特界

南至正藍旗察哈爾界

北至瀚海

右翼自張家口左翼自獨石口至

分左

京師並一千餘里

蒿齊忒二旗

在獨石口東北六百八十五里本遼上京道

西境金屬北京路元屬上都路明為蒙古所據是為蒿齊忒察

哈爾之族也後往依喀爾喀

本朝天聰八年察哈爾既滅乃相率來降

旗境

東西距一百七十里

四至

南北距三百七十五里

東至烏朱穆秦界

西至阿霸納爾界

南至克西騰界

北至烏朱穆秦界

自獨石口至 京師一千一百八十五里

烏朱穆秦二旗分左在古北口東北九百二十三里本遼上京

道北境金屬北京路元屬上都路明為蒙古所據是為烏朱穆

秦察哈爾之族也後往依喀爾喀

本朝天聰八年察哈爾既滅遂相率來降

旗境

東西距三百六十里

四至

南北距四百二十五里

東至索倫界

西至蒿齊忒界

南至巴林界  
北至瀚海  
自獨石口至 京師一千一百六十三里

巴林二旗分左右翼駐托鉢山在古北口東北七百二十里左

翼駐阿义圖拖羅海又東北六十里本遼上京臨潢府地金大定後以臨潢府併屬北京路元嘗遷廣甯治其地明初為兀良哈北境後為巴林所據役屬于察哈爾與喀爾喀為兄弟行

本朝天命十一年以喀爾喀五部叛盟私與明和

太祖高皇帝親討誅之天聰二年遂舉部來歸

旗境 東西距二百五十一里  
南北距二百三十三里

四至 東至阿祿科爾沁界一百六十里  
西至克西克騰界九十一里  
南至翁牛特界六十里  
北至烏朱穆秦界一百七十二里  
自獨石口至 京師九百六十里

遼臨潢故城在旗東北慶州故城在旗西北一百三十里廢祖州在旗北

克西克騰一旗駐吉拉巴斯峯在古北口東北五百七十里本遼上京道地金屬北京路元屬上都路及應昌路地明為蒙古所據

本朝天聰八年既滅察哈爾遂舉部來歸

旗境 東西距三百三十四里  
南北距三百五十七里

四至 東至翁牛特界一百六十三里  
西至正藍旗察哈爾界一百七十一里  
南至翁牛特界五十一里  
北至烏朱穆秦界三百二十里  
自獨石口至 京師八百一十里

元應昌故城在旗西北捕魚兒海旁

蘇尼特二旗分左右 在張家口北五百五十里本漢上谷及代郡

北境後漢烏桓鮮卑居之晉為拓跋氏地隋及唐初為突厥所據遼置撫州金屬西京路元為興和路地明為蒙古蘇尼特所據察哈爾汗之族也

本朝天聰九年既滅察哈爾遂率眾來歸

旗境

東西距

南北距

四至

東至阿霸垓右翼界  
西至四子部落界  
南至察哈爾界  
北至瀚海

自張家口至 京師九百六十里

楊林戍在旗西北為度漠處明永樂中北征即經其地

四子部落一旗駐五藍額爾吉坡在張家口西北五百五十里

本漢雁門及定襄郡北境晉為拓跋氏地唐為振武軍地遼為

豐州地屬西京道金屬西京路元屬大同路明為阿祿喀爾喀

所據後分與諸子號曰對因駒子是為四子部落

本朝天聰七年入朝

旗境

東西距二百三十五里  
南北距二百四十里

四至

東至蘇尼特界一百三十里  
西至歸化城土默特界一百五十里  
南至鑲紅旗察哈爾界一百四十里  
北至蘇尼特界一百里  
自張家口至 京師九百六十里

金廢淨州在旗界

毛明安一旗駐車突泉在張家口西北八百里本漢五原郡地

後魏懷朔鎮地唐為振武軍地遼為東勝州地屬西京道元屬

大同路明初設衛戍守後為蒙古毛明安所據

本朝天聰八年舉部來降

旗境

東西距一百里  
南北距一百九十里

乾隆帝御製平定回疆方略卷九

四至

東至喀爾喀界四十里  
西至吳喇忒界六十里  
南至歸化城土默特界八十里  
北至瀚海一百十里  
自張家口至京師一千二百四十里

歸化城土默特二旗

分左

俱駐歸化城在殺虎口北二百里本

漢定襄雲中二郡地後漢屬雲中郡後魏建都于此號盛樂城  
後置雲州領盛樂雲中等郡隋復置定襄郡唐置單于大都護  
府五代後唐時入遼置豐州天德軍屬西京道元屬大同路明  
宣德初築玉林雲川等城設兵戍守後為蒙古所據嘉靖間俺  
答築城于豐州灘采木架屋以居為之板升是為西土默特隆  
慶間封俺答為順義王名其城曰歸化

本朝天聰六年土默特部落悉降康熙三十五年

聖祖仁皇帝自白塔駐蹕于此其官並同內地城周圍二里城

東北二里又有綏遠城周圍二千丈餘並詳山西

旗境

東西距四百零三里  
南北距三百七十里

四至

東至四子部落界一百三十八里  
西至鄂爾多斯左翼前旗界二百六十五里  
南至山西邊城界一百十里  
北至喀爾喀右翼界一百六十里  
自殺虎口至京師一千一百六十里

緣孤山在城西黃河東岸班固云雲中郡楨陵緣孤山在西北  
黑山在城界內即殺虎山陰山在城北三十五里今名翁公山  
黃河在城西南一百六十里自蒙古吳喇忒界流入合黑河紫  
河西河流入山西偏頭關界黑河在城南二十里即古白渠荒  
干水也班固云定襄郡武進白渠水出塞外武泉荒干水出塞  
外並西至沙陵入河紫河在城南一百八十里即古中陵樹頽  
二水下流注黃河沙陵湖在城西古沙陵縣地受白渠荒干諸

水注黃河

漢定襄故城在城東雲中故城在城西黃河東岸成樂故城在城南桐過故城武城故城在城西南咸陽故城沙陵故城原陽故城在城西北輿故城武泉故城在城西界武舉故城在城北武進故城在故成樂城東南檀陵故城在歸化城西陶陵故城陽壽故城在城界內後魏武川鎮城在城西北隋大利故城在城西界唐東受降城遼東勝州故城並在城西黃河東岸明玉林故城在城東南雲川故城在城西南  
古長城在城陰山蘇武城在城西北單于城在城西  
白道在歸化城北君子津在城西南黃河東岸  
後魏道武帝金陵在古成樂城西北其後明元大武文成獻文四帝並葬此

吳喇忒三旗

分前中後

俱駐鐵柱谷在歸化城西三百六十里秦置

九原郡後廢漢元朔二年復置更名五原漢末郡廢後魏置懷

朔鎮唐景龍二年張仁愿于河外築三受降城此為中受降城

地遼置雲內州屬西京道元屬大同路明初廢為瓦喇所據

本朝天聰七年歸附

旗境

東西距二百十五里南北距三百里

四至

東至毛明安界九十里

西至鄂爾多斯界一百二十五里

南至黃河鄂爾多斯界一百二十五里

北至喀爾喀界二百五十里

自殺虎口至京師一千五百二十里

陽山在旗西北二百里史記蒙恬築長城臨洮延袤萬餘里渡

河據陽山陰山在旗西北二百四十里史記自榆林並河以東屬之陰山拂雲堆在旗西北一百九十里



黃河在旗南五十里其南卽鄂爾多斯界自鄂爾多斯西北境東南流入旗南又東南流入歸化城界黑河在旗北二百里晉書赫連勃勃于黑水之南營都城卽此

秦九原故城在旗北漢五原故城在故九原城西臨沃故城在故九原城東稠陽故城在故九原城東北宜梁故城成宜故城河目故城並在故九原城西西安陽故城在故九原城西陰山南

漢受降城在旗北後魏懷朔鎮城在旗東北唐中受降城在旗西西受降城在旗西北黃河北岸天德軍城及隋故大同城遼雲內州故城並在旗西北古長城在旗北陰山唐安北都護府在旗西

北假在旗西北史記蒙恬北擊胡渡河取高闕據陽山北假中

光祿塞在稠陽故城北高闕塞在陰山西

鄂爾多斯共十三旗左右各分前後中又增設一旗在歸化城西二百八十里

河套內本秦新秦中地漢初爲匈奴所有武帝元朔二年置朔方郡屬并州後漢末廢晉永嘉後歷爲前後趙前後秦地義熙中赫連勃勃據此後魏爲統萬鎮地後爲夏州北境隋于其地東置勝州西置豐州大業初改勝州爲榆林郡豐州爲五原郡後廢唐貞觀中復置勝豐二州天寶元年改勝州爲榆林郡豐州爲九原郡乾元元年並復故名其南境又有宥州俱屬關內道唐末拓跋思恭鎮此五代至宋金皆爲李夏所有元滅夏立西夏中興等路後廢其地東屬東勝雲內二州及延安寧夏等路明初城東勝等州並立屯戍耕牧其內天順間蒙古酋長阿羅出與毛里孩始入河套卽加斯蘭復糾合滿都護倚爲巢穴

宏治間火篩復入其中嘉靖中套西吉囊部落擊破火篩居此  
後屬于察哈爾是爲鄂爾多斯

本朝天聰九年滅察哈爾其部始來歸

旗境

八到

東西距  
南北距  
東至歸化城土默特界  
西至喀爾喀界  
南至陝西長城界  
北至吳喇忒界  
東西北三面皆距黃河  
自殺虎口至京師一千一百里

黃河自陝西甯夏府平羅縣北流出邊經旗西北折東流經旗  
北與吳喇忒分界至古東勝州界折南經旗東與歸化城土默  
特分界又南流入陝西府谷縣山西河曲縣界奢延水今名無  
定河在右翼前旗西南三百六十里東南流入陝西懷遠縣界  
長鹽池紅鹽池鍋底池大鹽灘並在旗境皆產鹽

漢朔方故城在右翼後旗界內渠搜故城在故朔方城東臨河  
故城在故朔方城西北境廣牧故城及臨戎故城並在故朔方  
城西奢延故城在右翼前旗西南白土故城在左翼中旗南大  
成故城富昌故城在左翼前旗界美稷故城在左翼中旗東南  
隋勝州故城在左翼後旗豐州故城在右翼後旗唐廢宥州在  
右翼前旗西南漢高望廢縣在右翼前旗虎猛廢縣及唐河濱  
廢縣在左翼前旗界內

故白城在右翼前旗界內

唐安北都護府及榆溪塞在左右翼界內

喀爾喀四部七十四旗古漠北地秦漢時匈奴所居漢初昌頓  
強盛并有漠南武帝時累歲征伐匈奴徙居于此後漢爲北匈  
奴地後魏初蠕蠕據之蠕蠕滅突厥復起盡有西北之地唐貞

觀初李靖擊滅突厥回紇薛延陀並稱強李勣滅薛延陀回紇  
遂并有其地貞觀四年來朝以其地爲瀚海燕然金微幽陵龜  
林盧山六部號都督府又置皋蘭高闕雞田榆溪雞鹿蹄林寘  
顏等七州以部長爲都督刺史長史司馬皆隸燕然都護府其  
後并有九姓諸部盡得匈奴故地此爲回紇地又東爲室韋地  
五代至宋回紇始衰與室韋媼厥律諸部散居其地羈屬於遼  
金時蒙古諸部始盛元太祖十五年定諸部建都于此名和林  
初立元昌路後改轉運和林使司前後五朝都焉世祖遷都大  
興于和林置都元帥府大德十一年立和林等處行中書省統  
和林總管府皇慶元年改嶺北等處行中書省改和林路爲和  
甯路明初順帝子愛猷識里達臘依王保保于此後部落號喀  
爾喀

本朝崇德三年遣使朝貢康熙二十八年噶爾丹興兵攻破喀  
爾喀國七部舉族奔潰款塞內附噶爾丹既併其地遂沿克魯  
倫河南牧窺伺邊塞三十五年

親征至克魯倫河盡殲其衆明年噶爾丹竄死漠北悉平

旗境 東西延袤五千里

四至 南北三千里

東至黑龍江將軍界

西至阿爾泰山與準噶爾接界

南至瀚海

北至鄂羅斯國界

自獨石口至京師

里

狼居胥山寘顏山浚稽山涿邪山天山烏員山雞秩山燕然山

金微山都斤山金山鐵山等皆在界內

臚胸河今名克魯倫河在界內東北流八百餘里合黑龍江五

代遼時以此河爲邊界

趙信城范夫人城瀚海都護府和甯路並在界內

青海其二十九旗古曰西海番名呼腦兒厄魯特及土爾古特喀爾喀回特各旗駐牧地在陝西甘涼西甯河洮岷及四川松潘等處邊外其先禹貢西戎地夏殷周皆屬西羌漢為張掖武威金城隴西四郡之西塞外及蜀郡之北徼外屬先零燒當等諸羌地王莽時始置西海郡歷後漢魏晉皆諸羌所居東晉以後又為吐谷渾所據隋大業五年平吐谷渾置西海河源等郡隋末復為吐谷渾所據唐初擊破之龍朔三年吐蕃滅吐谷渾盡有其地宋亦為吐蕃地元為貴德州及吐蕃朶甘思等處屬吐蕃等處宣慰司明為西番地正德四年始為蒙古部首所據名為海寇

本朝初有厄魯特顧實汗者自西北侵有其地遣使入貢後自

分其地為左右二境康熙三十六年悉眾內附雍正元年復誘眾犯邊

世宗憲皇帝命官兵討平之其不從逆者皆仍封爵

旗境 東西距一千餘里  
南北距一千餘里

四至 東接甘肅  
西連西藏  
南至四川  
北至肅州安西鎮  
自西甯至京師五千七十里

昆侖山在河源西唐宋以來所云大昆侖也方中履云金沙江出犁石即昆侖之南河出朶甘思即昆侖之西蓋江河二源皆出于此積石山今名大雪山在西甯邊外西南五百三十餘里西傾山在洮州衛西南三百三十餘里一名西疆山又名嶺臺山曼頭山在西甯邊外西北後魏書長孫觀與吐谷渾王捨寅

戰于曼頭山卽此

赤嶺在西甯邊外西唐書石堡城西二十里至赤嶺其西吐蕃有開元分界碑白草嶺在西甯邊外北西秦錄秦王熾盤遣太子暮末出貂渠谷攻河西白草嶺臨松郡皆破之

黃河源出今青海右境之西南東南流折西北又轉東北歷二千七百餘里至積石關入甘肅河州界湟水在西甯邊外西北青海之東東流入甘肅西甯縣界名西甯河洮水源出西傾山東東流合十餘小水至洮州衛西南入塞是爲洮河

青海在西甯府西五百餘里一名西海又名卑禾羌海卽古鮮水也天非川在西甯邊外西南十道山川圖大非川在青海南鹽池在青海西南周一百餘里產青鹽

西海故郡有二一爲王莽置在青海東一爲隋置在青海西十

五里隋河源故郡在青海南南涼澆河故郡在河州積石關外後周故疊州在洮州衛邊外南二百里故芳州在洮州衛西南元故貴德州在河州西八百二十里隋洮陽廢縣歸政廢縣在洮州衛西洮源廢縣密恭廢縣常芬廢縣並在洮州衛西南湟中城在西甯邊外西北樹敦城合川城臨番城神威城並在西甯邊外西石堡城在西甯邊外西南大莫門城在西甯西南河曲之地澗川城在洮州衛西南

白泉軍威戎軍九曲軍並在河州邊外西北安人軍在邊外西析支在邊外河曲之地禹貢昆侖析支渠搜沓中在洮州衛西南蜀志姜維回住沓中

西套厄魯特三旗駐牧賀蘭山陰及龍首山北在河套以西本漢北地郡西境及武威張掖二郡北境地晉爲前涼後涼北涼

所有唐時屬河西節度使廣德初陷于西番宋景德中陷于西夏元屬甘肅行中書省明為邊外地

本朝初蒙古厄魯特部落駐牧套內謂之套爨後噶爾丹強併滅套西其酋逃竄近邊康熙二十五年上書求給牧地詔于甯夏邊外畫界給之

旗境

四至

東至甯夏府邊外  
西至甘肅府邊外  
南至涼州府邊外  
北至瀚海喀爾喀界  
自涼州至京師五千里

賀蘭山在旗東

松陝水在旗南界自古浪縣東北流出邊又東北至旗界瀦為澤谷水今名三岔河自鎮番縣東北出邊至旗界入白亭海子

青鹽池白鹽池紅鹽池並在旗界

漢武威故城搆次故城並在旗界

白亭軍在旗界

土魯番一旗駐瓜州在嘉峪關西三百五十里禹貢雍州之域周為瓜州戎所居漢為敦煌郡冥安縣地晉為晉昌郡地後魏為常樂郡地隋為常樂郡常樂縣唐為瓜州晉昌縣大歷中地陷吐蕃大中初來歸宋時地屬西夏元至元十四年復置瓜州屬沙州路後徙其民于肅州明初為沙州衛地後廢

本朝雍正元年設安西鎮于布隆吉之地五年移鎮于杜爾伯特津曰安西廳其西南曰瓜州營十年以土魯番歸附之頭目有功令掌旗自塔爾納沁移駐于此按哈密亦繫一旗今因有大臣駐札且為新疆門戶故移入新疆

旗境

四至

東南至雪山接青海界  
西北至沙州越大磧接哈密界  
自嘉峪關至京師六千二百里

南山在旗南即雪山

南藉端水在旗北今名布隆吉河亦名蘇賴河西流入安西州

敦煌縣界

唐瓜州故城在今旗界

曾孫用勲校刊

乾隆府廳州縣圖志卷五十

賜進士及第翰林院編修充 國史館纂修官 臣 洪亮吉撰

朝貢諸國 附見通市諸國

東境 朝鮮 琉球 日本 蘇祿 合貓物 美洛居 婆羅

朝鮮國在 盛京東一千八百里古營州外域周封箕子于此  
戰國屬燕秦為遼東外徼漢初仍屬燕國燕人衛滿亡命聚此  
逐箕準自王都王險惠帝時兼有濊貊與高句驪沃沮地凡數  
千里傳子及孫右渠武帝元封三年遣樓船將軍楊僕等擊滅  
之因分置樂浪臨屯元菟真番四郡昭帝時省臨屯真番二郡  
入元菟徙居高句驪西北其沃沮濊貊分七縣置樂浪東部都  
尉韓之建武中省都尉棄七縣地陽嘉元年置元菟郡屯田六  
部漢末有扶餘人高姓者據其地改國號曰高驪又曰高句驪

三國魏正始五年母丘儉討破之尋復據其地晉咸康八年其  
王高釗爲慕容皝所破至曾孫璉益強并有朝鮮諸地都平壤  
城卽朝鮮國王險城也國內分爲八道晉宋間頻遣使入貢元  
嘉十二年復入貢于魏魏封高句驪王梁時亦遣使貢獻亦臣  
附于東魏高齊齊亡益并有遼東地隋開皇中其王元率衆寇  
遼西隋遣漢王諒討之遣使謝罪乃罷兵大業中屢出師征高  
麗俱不能克唐武德四年遣使入貢七年冊爲遼東郡王貞觀  
十六年其臣泉蓋蘇文弑其王建武改立其弟子臧十八年伐  
高麗明年親征克遼東數城而還自是數遣軍伐高麗永徽六  
年滅百濟以其地置熊津馬韓東明金湊德安五都督府總章  
元年李勣征高麗拔平壤置安東都護府由此高氏遂滅儀鳳  
初新羅據其地開元以後并于渤海大氏天祐初大氏衰有眇

僧躬父者聚衆據開州稱王號大封國遂有高麗故地五代梁  
龍德二年高麗人王建者起兵襲殺躬父自稱高麗王唐清泰  
未建引兵擊破新羅百濟而并其地于是東夷皆附之地益拓  
宋初亦嘗朝貢又朝于遼金嘉定十二年附于蒙古旣而中絕  
紹定五年蒙古伐高麗其王請降因置京府縣達魯花赤七十  
二人監其國端平初悉爲高麗所殺自是四遣兵攻之拔其城  
十有四大抵旋服旋叛元至元中其西京內屬因置東甯路總  
管府畫慈悲嶺爲界大德三年又置征東等處行中書尋罷至  
治三年復置命其王爲左丞相至正未始貳于元明洪武二年  
入貢方物且請封詔封高麗國王五年爲其下所弑二十二年  
其臣李成桂復立王氏裔二十五年成桂復自立更名旦日遣  
使請改國號帝命仍古號曰朝鮮自是王氏始絕



本朝天聰九年

太宗文皇帝命將征朝鮮屢戰皆捷遂克義州又克安州至平壤城其王李侗懼遁入江華島遣其弟李覺來貢求和許之七年復背盟崇德元年

親征高麗破之侗率其子及羣臣朝服出降自後朝貢不替其國八道分統郡凡四十一府三十三州三十八縣七十境內有金山青丘大海大通江清川江鴨綠江土門江箕子故都及古沃沮扶餘高句驪三韓百濟新羅休忍濊貊耽羅沸流諸國地大通江即浪水班固云樂浪郡有浪水西至增池縣入海鴨綠江即馬訾水詳見奉天府下

國境

東西距二千里  
南北距四千里  
東至海七百七十里  
南至海一千三百里

西南至海八百里  
西北至鴨綠江七百五十里  
北至九連城一千一百十五里  
貢道自鳳皇城至京師三千九十六里

琉球國魏晉以前不著于史相傳在海島之中當建安郡東水行五日而至在外國最小而險其國有大琉球小琉球隋大業中令羽騎尉朱寬訪求異俗始至其國言語不通掠一人以返唐宋時未嘗朝貢元至元二十八年使往招諭不從至元末國分為三曰中山曰山南曰山北皆以尚為姓明洪武初中山王始遣子姪及陪臣子弟偕來請肄業國學自後三王嗣封皆請于朝未幾山南山北為中山所併終明之世修貢不絕  
本朝順治六年奉表納款十一年

詔封為中山王令二年一貢其國分三省省各隸間切間切譯言府也  
中山為中頭省王城在中山之中隸間切十有四北為國頭省

隸間切九南爲島窟省隸間切十有二北有大島距國八百里  
島長百三十里分七隸間切亦稱小琉球國國境有北山與日  
本接界又有落滌水趨下不回漁舟遭颶風漂落此者百無一  
二得全

國境

東西狹  
南北長

四至

四面皆海西接福建漳泉興福州府界  
貢道自福建至京師自國境至福建鹿耳門海程一  
千七百里

日本國在東海中本古倭奴國唐咸亨中更號日本以近東海  
日出而名或云日本乃小國爲倭所併故冒其號東北限大山  
其地東高西下勢若蜻蜓故亦曰蜻蜓國有五畿七道三島一  
百十五州統五百八十七郡皆依水嶼大者不過中國一村落  
而已旁小國數十皆服屬焉自後漢時始入貢魏景初二年隋

開皇二十年皆遣使貢獻唐貞觀五年命新州刺史高仁表持  
節撫之浮海數月方至仁表與其王爭禮不宣朝命而還由是  
遂絕長安二年復入貢方物開元初又遣使來朝嗣後朝貢不  
絕宋雍熙元年日本國僧奝然與其徒五人浮海至太宗厚撫  
之元世祖時遣使諭令入朝不受命乃命將帥舟師十萬征之  
至五龍山遭暴風軍盡沒後屢招不至終元世不相通明洪武  
四年遣使入貢未幾復入寇海上諸郡十四年命禮官移書責  
之荅書不遜永樂以後雖屢遣使入貢然其各島諸倭歲常侵  
掠江南浙江福建廣東沿海諸府數被其害萬曆十四年日本  
益治兵征服國旁諸小國并欲滅朝鮮有之二十年師渡海直  
逼王京朝鮮使來告急乃命李如松等討之互有勝敗久之其  
關白其國關白即  
華言丞相死諸倭兵退朝鮮之患始平終明之世通倭

之禁最嚴

國境

西南限海  
東北限大山

四至

四面並海馬端臨云西北界拘邪韓國

蘇祿在東洋海中地近淳泥閣婆自古荒服之地不通中國相傳其國分東西峒三王而以東王為尊明永樂十三年三王並率其妻子來朝貢因並封為國王居二十七日三王辭歸其東王次德州卒于館遂留葬乃遣使封其長子為蘇祿國王十八年西王遣使入貢十九年東王母遣使貢大珠一重七兩有奇二十二年復入貢自後不復至

本朝雍正五年入貢

國境

並無考

四至

合貓物在東海中又名貓里務自古不通中國明永樂三年遣使附爪哇使臣朝貢其國近呂宋商舶往來漸成富壤凡華人入其國者不敢欺凌市法最平故華人為之語曰若要富須往貓里務後有網巾礁老者最兇悍常寇掠其地人多死傷遂至貧困商人慮為礁老所劫罕有赴者

國境

並無考

四至

美洛居在東海中俗謠為米六合自古不通中國明初以其地有香山雨後香墮沿流滿地居民取之不竭其酋委積充棟以待商舶之售故華人多往市易萬曆中佛郎機與毛番互爭其地每歲搆兵華人流寓者為遊說令各罷兵分國中萬老高山為界山以北屬紅毛番南屬佛郎機始稍休息而美洛居竟為

兩國所分

國境

四至

並無考

婆羅在東海中接近西洋又名文萊東洋盡西洋所自起也唐高宗時嘗入貢明永樂三年遣使諭其王四年其國東西二王並遣使入貢至萬歷時其王閩人也或言鄭和使婆羅有閩人從之因留居其地後人遂據其國王之其王有金印一篆文上作獸形言永樂朝所賜民間嫁娶必請此印印背上以為榮

國境

四至

並無考

南境及西南境

安南

南掌

廣南

緬甸

胡盧

整欠

暹羅

港口國

東埔寨

宋勝

柔佛 亞齊 博爾 都噶 爾亞

呂宋

莽均 達老

佛郎機

西洋

噶喇巴

南勃利

意達里亞

占城

真臘

淳泥

麻葉羅

三佛齊

安南國即交趾古南交地周時為越裳氏地秦始皇初併百粵置桂林南海象郡其後為南海尉趙佗竊據漢元鼎中討平之置日南等九郡後漢光武時女子徵側徵貳反遣馬援討平之界以銅柱置交州領交趾等七郡三國吳分立廣州而徙交州治龍編縣增置九德武平新昌三郡梁陳于交州置都督府隋初郡廢改都督府為總管府唐初仍曰交州調露初改安南都護府至德初改鎮南都護府大厯間復曰安南五代梁時土豪曲承美專有其地南漢置交趾節度使既而管內大亂推丁部領為州帥其子璉繼立宋平嶺表璉內附封交趾郡王三傳為臣黎恒所篡黎氏亦三傳為其臣李公蘊所篡隆興二年遣使入貢封安南國王安南國名自此始李氏八傳至吳昌無子傳

其婿陳日熒元世祖時封其子光昂爲安南國王尋叛明洪武二年其王曰燿遣使朝貢仍其故封建文元年其臣黎季犛大殺陳氏宗族遂篡立永樂初其子奩自署權理安南國事遣使朝貢因卽封之已而老撾送日燿弟天平至京言黎氏篡奪本末帝命官賚赦責奩謝罪且請迎天平還國帝遣黃中等將兵五千送之天平入雞林關奩伏兵邀殺之中等敗還帝大怒命張輔等率師分道進討平之改安南爲交趾置交趾布政司後叛者數起宣德二年始諭布政司官等盡撤軍民北還六年命黎利權署安南國事然利居國稱帝自若正統元年封其子麟爲安南國王傳八世至昞正德十一年其下陳暲殺昞自立昞臣莫登庸起兵討之暲敗死復立昞兄灝之子諱嘉靖元年登庸逐諱自立十六年諱子黎寧來乞師討之乃命仇鸞等督

軍以往十九年師抵廣西登庸卽上表請降遂削安南國爲安南都統使司卽授登庸爲都統改其十三道爲十三宣撫司而黎寧據清華自爲一國萬歷初莫氏益衰黎氏後裔維潭舉兵攻莫茂洽殺之卽叩闕求通貢因詔維潭爲都統使而莫氏但保高平一郡勢益弱

本朝順治初莫氏來歸未受爵卒尋授其子元清爲都統使十八年廣西巡撫奏黎氏奉表投誠康熙五年給與封爵令照常朝貢二十二年遣官冊封黎維正爲安南國王雍正六年雲南督臣請清查安南地有

旨賜安南鉛厰河內地四十里遂以白馬小賭咒河爲界其國與雲南廣西並接境由廣西至其國道有三一從憑祥州一從太平府一從龍州由雲南至其國道有二一從蒙自一從河陽

隘循洮江源若由廣東海道自廉州五雷山發舟北風順利一  
二日可抵安南之海東府沿海岸行八九日可抵交州國治在  
交州卽唐都護府治所郡縣分十三道道分十三承政司境內  
有越王城古安南都護府古交州愛州驩州演州龍興府天長  
府長安府等又有銅柱卽漢馬援所立

國境

東西距一千七百六十里  
南北距二千八百里

四至

東至海三百二十里  
西至南掌國界五百六十里  
南至占城國界一千九百里  
北至廣西太平府憑祥州界四百里  
貢道自憑祥州至京師一萬一千一百六十五里

南掌國古越裳氏地自周以來不通中國其俗佩雕爪爲飾本  
老撾部屬故俗亦呼爲撾家明永樂三年始備方物入貢置老  
撾軍民宣慰使司南掌之稱始于嘉靖間因緬人破其東之纜

掌故亦名南掌也

本朝雍正八年奉表貢象二隻其酋長有三等大曰招木弄次  
曰招木牛又次曰招化而爲宣慰者卽招木弄也

國境

無考

四至

東至水尾界  
西至甯遠界  
南至安南界  
北至車里界  
東南與安南接  
西南與暹羅接  
西北至雲南布政司治六百八十里  
貢道由普洱府至京師

廣南本古南交地其王本中國人阮姓歷代以來未通職貢有  
大山海水環之望如半月之形名曰廣南灣國蓋因以名與中  
國通貿易不通貢

國境

無考

四至

東與安南接  
西與占城接  
南瀕海  
東北至緬甸  
西北至暹羅

緬甸古稱朱波國地界雲南永昌府騰越州天馬虎踞諸關其酋居阿瓦城所屬有木邦等十三路

本朝順治中故明桂王朱由榔走蠻莫思綿緬擒以獻

本朝乾隆十六年始通貢

國境 無考

四至

南至海  
西至孟養  
北至孟密  
貢道由永昌府至京師

胡盧國一名卡瓦界接永昌府東南徼外歷古以來未通中國亦不為緬甸所屬地方二千里

本朝乾隆十一年其酋蚌筑願以其地茂隆山銀廠抽課充貢詔許之

國境 地方二千里

四至

東接孟定土府  
西接木邦  
南接生卡瓦  
北接耿馬宣撫司  
貢道自永昌府至京師距永昌十八程

整欠地界九龍江邊外距普洱府約千餘里所屬大猛養等十數寨統大頭目十六

本朝乾隆三十四年通貢

國境

四至 並無考

貢道自普洱府至京師

景海地界九龍江邊外距整欠又數百里所統大小頭目二十餘

本朝乾隆四十年通貢

國境

四至

並無考

暹羅國在占城正南相傳卽隋唐赤土國爲扶南之別種後分暹與羅斛二國地暹土瘠不宜耕種羅斛土地平行而多稼暹人歲仰給之隋大業中屯田主事常駿至赤土知其國王姓瞿曇氏云元貞元初暹人嘗遣使入貢稱暹國其後羅斛強併有暹地遂稱暹羅斛國明洪武三年命使臣呂宗俊等齎詔往諭之國王參烈昭毘牙遣使朝貢十年其世子復來朝詔賜暹羅國王印自是始稱暹羅永樂九年復遣使貢方物萬曆中嗣王

發兵攻破鄰國東蠻牛又移師破真臘降其王遂霸諸國

本朝順治十年遣使朝貢康熙四年十二年頻遣使入貢嗣後朝貢不絕其國四面皆山國分郡邑縣隸于府府隸大庫司大庫司猶華言布政司也其國都在廣東西南海道約四十五晝夜可至

國境

周圍千里

四至

東連大泥西接蘭場

北界大海貢道自廣東至京師

港口國在西南海中安南暹羅屬國也雍正七年後通市不絕經七洲大洋到魯衛山由虎門入口達廣東界計程七千二百里距廈門水程一百六十更

國境



四至

並無考

東埔寨在西南海中海岸多泥名爛泥尾北枕大山自來與中國通互市行必經七洲大洋到魯衛山由虎門入計程七千二百里距廈門水程一百七十更其旁有尹代嗎國距廈門水程一百四十更亦屬安南暹羅

國境

四至

並無考

宋牯勝在西南海中屬暹羅雍正七年後通市不絕其國距廈門水程一百八十更旁有埭仔六崑大呢諸國埭仔在西南海中距廈門水程一百八十更六崑距廈門水程一百五十更大呢一名大年在西南海中距廈門水程一百五十更三國亦自雍正七年後通市不絕

國境

四至

並無考

柔佛在西南海中背山而國前臨大海歷海洋九千里達廣東界經七洲大洋到魯萬山由虎門入口雍正七年後通市不絕距廈門水程一百八十更柔佛屬國有丁機奴單咀彭亨三國雍正七年後亦皆通市不絕丁機奴及單咀並在西南海中距廈門水程一百三十更彭亨國與柔佛連山相枕

國境

四至

並無考

亞齊在西南海中相傳舊為蘇門答剌國明萬歷中乃易今名內地商船常往其地貿易或言即漢條枝唐波斯大食二國地西津要會也明永樂二年其酋宰奴里阿必丁已遣使入貢詔

封爲蘇門答刺國王比年入貢鄭和凡三使其國迨萬曆間國  
兩易姓易國名曰亞齊

國境

四至 並無考

呂宋國在南海中自古不通中國明洪武五年始遣使偕瑣里  
諸國來朝永樂三年遣官齎詔撫諭其國八年與馮嘉斯蘭入  
貢自後久不至萬曆四年官軍追海寇林道乾至其國國人助  
討有功復朝貢尋爲佛郎機所併然與中國貿易仍稱呂宋云  
其國在臺灣沙馬崎東南至廈門水程七十二更北面皆高山  
遠視若鋸齒俗曰宰牛坑山有土番屬于呂宋閩人以其地富  
饒商販者數萬人往往久居不反至長子孫云雍正五年後通  
市不絕其東南又有萬老高與呂宋相類由呂宋正南行有山

名息力大山山之東爲蘇祿國

國境

四至 北距山  
東南距海  
東南至臺灣  
正南至蘇祿國

莽均達老在東南海中其種類曰巫來由雍正七年後通市不  
絕其國距廈門水程一百五十更

國境

四至 並無考

噶喇巴本瓜哇故地巫來由種也卽古闍婆國又名莆家龍亦  
曰下港元時改名瓜哇爲西南諸番之衝要宋文帝元嘉中始  
通中國其後復絕至宋淳化中其王木羅茶遣使朝貢大觀中  
復貢元世祖至元中大出師伐之竟不能克其國分東西二王  
明洪武中各遣使入貢永樂中東王爲西王所滅宣德七年嘗

入貢表書一千三百七十六年蓋宣帝元康元年乃其建國之始也自宏治後貢使又絕

本朝始與呂宋蘇祿等通商雍正五年弛洋禁嗣後通市不絕其國後又屬荷蘭國在南海中距福建廈門水程二百八十更計一萬六千八百里

國境 無考

四至

東抵古女人國  
西抵三益遠  
南抵古大食國  
北抵占城

意達里亞在歐羅巴州南境其地周一萬五千里雍正三年通貢西洋人艾儒為職方外紀畧言由意達里亞東行為厄勒祭亞當歐羅巴極南境東北有羅瑪尼亞又東北行為翁加里亞又東北行為波羅泥亞由波羅泥亞東行為莫斯科末亞東西

徑五千里南北徑八千里中分十六道有窩爾加河最大以上五國皆在意達里亞東境其在西北境者有四大國曰大尼亞曰諾而勿匿亞曰雪際亞曰鄂底亞

國境

三面環海  
一面臨山  
無考

四至

博爾都噶爾亞在歐羅巴極西境周七百里西類大洋地分五道四方商船皆聚都城有大河曰德若經都城西入海明以前未通中國雍正五年通貢其國東境為伊西巴尼亞又東北為拂朗察又東北為法藍得斯又東北為熟爾瑪尼亞博厄美亞拂朗察地周一萬一千二百里分十六道屬國五十餘

國境

四至

並無考

佛郎機一名和蘭亦紅毛番種也其國都地名巴離士至中國水程五萬餘里從羅令山峽出口境絕險自古不通中國在西南海中近滿刺加明正德中據滿刺加地逐其王十三年遣使貢方物始知其名嘉靖二年其將別都盧以巨礮利兵肆掠滿刺加諸國復入寇新會之西草灣指揮柯榮等禦之生擒別都盧等獲其二舟始敗遁官軍得其礮即名爲佛郎機其後撫臣以商稅多資番舶請許佛郎機互市從之萬歷中又被滅占宋遂盡擅閩粵海上之利

本朝順治四年後通市不絕

國境 無考

四至 東接荷蘭  
西瀕海

西洋在西南海中去中國遠于古無可考至明萬曆九年有利

瑪竇者始汎海抵廣州之香山畧二十九年遂入京師以其方物進獻自稱大西洋人遂留居不去嗣後其徒來者益衆皆祖述其說盛相矜誇四十四年侍郎沈灌等合疏斥其邪說惑衆且疑爲佛郎機假託乞行驅逐帝納其言令俱遣赴廣東聽還本國命下久之遷延不行至崇禎初歷法疏舛禮部尙書徐光啟請令西洋人羅雅谷湯若望等以其國新法相參校報可書成未上會

本朝建元始采取其說命若望等理欽天監事卽醫學亦間用之康熙九年始遣使入貢十七年進獅子雍正三年五年頻遣使貢其地之遠近舊史不載今據利瑪竇等所紀歐羅巴州之地共七十餘國其大者曰以西把尼亞拂郎察意大里亞熱爾瑪尼亞拂蘭地亞波羅泥亞翁加里亞大泥亞諸國厄勒祭亞

莫斯科未亞

國境 三面環海  
一面臨山

四至 無考

貢道自廣東至 京師

南渤利在西南海中自古不通中國相傳自蘇門答刺而西順風三日夜可到王及居民皆回回人僅千餘家其國境西北有山甚高峻曰帽山山西大海即西洋也番名那沒黎洋往來洋船俱望此山為準明永樂十年其王馬哈麻沙遣使附蘇門答刺入貢

國境 西北距山

四至 並無考

占城在西南海中即周越裳地秦為林邑漢為象林縣屬日南

郡後漢末區連據其地始稱林邑王傳數世無子外孫范逸代立晉咸康二年逸死其奴文篡位至永和三年文率其眾攻陷日南還據其地告交州刺史朱蕃求以日南北鄙橫山為界又襲九真害士庶十八九文死子佛立猶屯日南九真太守率兵討之乃復還林邑唐貞觀中其王頭黎卒子鎮龍嗣為其下所弑范氏遂絕國人立頭黎之姑子諸葛地更號環王元和初入寇驩愛等州安南都護擊破之遂棄林邑徙國于占號占城宋乾德中嘗入貢元至元間惡其阻命大舉兵擊之不能定明洪武二年遣使入朝貢象虎方物乃封為占城國王永樂元年復貢嗣後朝貢不絕然安南與占城壤地相接故互相侵掠搆兵不已至成化七年安南大舉兵破占城執其王槃羅茶全遂據其地改為交南州尋立前王孫齋亞麻弗莽為王以國南邊地

與之始占城所有土地凡三千七百餘里最爲殷庶自殘破以後民物蕭條貢使亦漸稀矣又有賓童龍者與占城接壤其氣候風土亦相類

國境

東西七百里  
南北三千里

四至

東至海  
西至雲南  
南至真臘  
北至驩州

真臘在西南海中本扶南屬國亦名占臘其後并扶南而有之隋大業中始通中國唐自武德至聖歷凡四來朝神龍以後國分爲二其南近海多陂澤爲水真臘其北多山阜爲陸真臘後復合爲一宋政和中遣使來貢宣和初封爲真臘國王與占城等慶元中其王大舉兵伐占城破之而立真臘人爲占城王故當時占城亦爲屬國明洪武四年遣使貢方物永樂間再入貢

至景泰後貢使不至

國境

樂史云其境東西南北約皆入百里

四至

南至車渠國  
西至朱江國

淳泥在西南海中本閩婆屬國前代無可考宋太平興國中始遣使入貢明洪武三年命御史張敬使其國自泉州航海閱半年方抵閩婆又踰月始至其國國王乃奉表入貢八年命其國山川附祀福建山川之次永樂六年八月其王入朝十月王卒于館基于安德門外石子岡勅其子襲封國王至萬歷中其王卒無嗣乃立其女爲王後遂不復朝貢然商人尚往來不絕其國統十四洲在舊港之西自占城四十日可至初屬爪哇後屬暹羅改名大泥華人多流寓其地

國境

四至 並無考

麻葉甕在西南海中又名麻葉凍自古不通中國明永樂三年會遣使招諭亦不至相傳自占城靈山放舟順風十晝夜至交欄山自西南即麻葉甕也交欄山甚高廣饒竹木元時史弼高與伐瓜哇遭風至此山下亦多壞乃登山伐木重造遂破瓜哇其病卒百餘人留養不歸後益蕃衍故其地多華人云

國境

四至 並無考

三佛齊在西南海中南蠻別種或云即于陀利占城為鄰居真臘闍婆之間所管五十州從廣州府汎海使風二十日可至其王號詹卑其國居人多蒲姓唐天祐元年始遣使入貢宋太平興國五年咸平六年並來貢嗣後朝貢不絕明洪武四年來貢

九年遣使勅封為三佛齊國王時瓜哇強已威服三佛齊而役屬之聞封國王與已圻大怒遣人誘朝使殺之尋破三佛齊據其國改其名曰舊港然不能盡有其地華人流寓者往往起據之

國境

四至 並無考

西境及西北境 東布魯特 西布魯特 安集延 巴達克山 博羅爾 愛烏罕 榜葛刺 拂菻 古里 柯枝 錫蘭山 西洋瑣里 温都斯坦 控噶爾 英吉利 千絲臘 荷蘭 瑞國 暹國  
東布魯特回部別種也在天山北準噶爾部正南近葱嶺東北距伊犁千四百里其部有五漢時當為烏孫西境

本朝乾隆二十六年通貢

部境 無考

四至 東北距伊犁  
南距葱嶺

西布魯特與東布魯特相接在回部喀什噶爾城西北三百里  
道由鄂什踰葱嶺而至其部落凡十有五漢時當為休循捐毒  
二國地乾隆二十五年內附

部境

四至 東南至喀什噶爾  
西北至

貢道並自回部至 京師

安集延與二布魯特接東南至回部喀什噶爾城五百里其西  
北為納木干西為瑪爾噶朗又西為霍罕四城俱當平陸南控  
葱嶺北濱河漢時當為大宛地乾隆二十四年內附按瑪爾噶  
朗東與安集延接相去百八十里霍罕東與瑪爾噶朗接其城  
相去二百里木干東北與布魯特雜處東南距瑪爾噶朗城八

十里西南距霍罕城八十里

部境

四至 東南至喀什噶爾  
西北至納木干

東至布魯特  
西至瑪爾噶朗  
貢道自回部至 京師

塔什干居平原有城郭漢時當為昭武城地乾隆二十三年通

貢

部境

四至 東至布魯特  
南至喀什噶爾

東南至納木干  
東北至右部喀薩克  
貢道自回部至 京師

巴達克山居葱嶺中南境西北至伊西洱庫爾東北去葉爾羌



千餘里漢時當爲烏秣國地乾隆二十五年通貢國之西又有退木爾沙布哈爾等回國

部境

四至

東北至葉爾羌  
西北至伊西洱庫爾  
北至葱嶺  
貢道自回部至 京師

博羅爾在巴達克山東有城郭戶三萬有奇乾隆二十五年內附其南又有巴勒提

部境

四至

東至葉爾羌  
西至巴達克山  
西北至河  
貢道自回部至 京師

愛烏罕在巴達克山西部落最大有三大城俱臨山漢時當爲大月氏地其國西境逾一二小部落已瀕西海乾隆二十七年

通貢

部境

四至

東至巴達克山

榜葛刺在西海中卽漢時身毒國從月氏高附國以西南至西海東至磐起有別城數百城置長有別國數十國置王雖各小異而俱名身毒後漢和帝時始改名天竺遣使入貢桓帝延熹二年頗從日南徼外來獻方物魏晉世絕不復通宋元嘉五年泰始五年皆遣使貢獻梁天監初亦入貢隋大業中命裴矩應接西番諸國惟天竺不通唐貞觀五年復入貢開元中乞師討大食吐蕃并乞名其軍詔賜名懷德軍五代時又名五印度宋太平興國七年益州僧光遠至天竺以其王表來上元太祖定西域至東印度明永樂六年榜葛刺國遣使來貢卽東印度也

又有沼納樸兒其國在榜葛刺之西永樂十年亦遣使勅諭其國然以去中國絕遠朝貢竟不至或以爲沼納樸兒卽古天竺國

國境 舊唐書國周二萬里

四至

東至磬起  
西至沼納樸兒  
南至西海  
北至雪山

拂菻在西海中相傳卽漢大秦國又名犂靬後漢延熹初始通中國晉太康中遣使貢獻至唐時改名拂菻貞觀十一年遣使入貢開元七年又遣大德僧來朝嗣後無聞至元末其國人有捏古倫者入市中國明洪武四年召見卽命賫書諭其王乃遣使來貢後不復至按文獻通考拂菻國與大秦國並列拂菻或係大秦所分非卽大秦也通考又疑有兩拂菻亦誤

國境 無考

四至

四面皆海馬端臨云東南至滅力沙西北至海

古里在西海中西洋大國也自柯枝舟行三日可至自錫蘭山十日可至爲諸番要會自古不通中國明永樂三年始遣使人貢因封爲國王十四年偕瓜哇占城等國入貢于是諸番使臣充斥于廷以古里大國序其使者于首宣德八年復遣使偕蘇門答刺等國入貢其使久留都下乃命附瓜哇貢舟西還自是不復至

國境

四至 並無考

柯枝在西海中相傳卽古盤盤國其國與錫蘭山對峙中通古里宋元嘉中始通中國唐貞觀九年來貢永徽中獻鸚武明永

樂六年命鄭和使其國九年遣使入貢

國境 無考

四至

東界大山  
西南北三面距海

錫蘭山在西海中自古不通中國明永樂中鄭和使西洋至其地其王欲害和和覺去之他國及和歸經其國復誘和至國中發兵五萬塞歸路和乃率步卒二千從間道拔其城生禽其王及妻子頭目獻俘于朝帝憫其無知皆釋之擇其族之賢者爲王其舊王亦遣歸自是遂屢入貢天順後始不復至其國地廣人稠貨物多聚亞于瓜哇東南海中有山三四座總名曰翠蘭嶼大小七門門皆可通舟中一山最高大番名梭篤巒山自此山行七日見鸚哥嘴山又二三日抵佛掌山卽入錫蘭國境

國境

四至

並無考

西洋瑣里在西海中自古不通中國明洪武三年始來貢方物永樂元年又遣使來貢附載胡椒與民市又有瑣里者近西洋瑣里而差小洪武五年亦奉表朝貢

國境

四至

並無考

溫都斯坦亦西域回國之大者葉爾羌西南行六十餘日至克食米爾復西南行四十餘日至溫都斯坦水亦可通兩地貿易人多資舟楫往來不絕所居皆穴地深數丈旁掘土洞爲室室亦精絕從無地上起樓閣之事凡其地之公私事務及一切農工商賈操作交易皆于夜間爲之日出則伏境內之江河皆通海洋時有閩廣海航到彼停泊其東北卽克食米爾國所屬回

衆近百萬戶

國境 無考

四至 東北至克食米爾  
西限巨澤

控噶爾西北方回子最大之國地包俄羅斯東西界之外所轄各城自萬戶至十餘萬戶不等地極廣大南北經過馬行九十餘日東西亦然城門二千四百城內大江三山河藪澤不可勝紀

國境

四至 並無考

英吉利一名英圭黎國居西北方海中南近荷蘭紅毛番種也距廣東界計程五萬餘里

本朝康熙中始來通市雍正七年後互市不絕所屬有亞齊國

國境

四至 並無考

千絲臘在西北海中與英吉利相近其傳國無考每歲駕板船來廣東互市國嘗分遣小王鎮守呂宋按此則千絲臘與佛郎機蓋分據呂宋

國境

四至 並無考

荷蘭俗稱紅毛亦曰紅夷在西北海中與佛郎機接去中國水程五萬里其國有大山名那蘭山山麓建城名那蘭城自古荒服之地不通中國其人深目長鼻髮蒼鬚皆赤足長尺二寸頗偉倍常明萬厯中佛郎機市香山據呂宋荷蘭聞而慕之二十九年駕大艦攜巨礮直薄呂宋人力拒之則轉薄香山嶼言欲

通市當事難之嶼中人慮其登陸謹防禦始引去三十二年七月又抵澎湖至十月乃去是時佛郎機橫海上紅毛與爭雄攻破美洛居國與佛郎機分地而守後又因咖留巴假臺灣之地于日本築安平赤嵌二城倚夾板船爲援戰久留不去海上奸民闌出貨物與市尋復出據澎湖築城設守已又泊舟風櫃仔出沒島嶼間要求互市瀕海郡邑爲戒嚴天啟三年巡撫南居益謀討之四年正月遣將先奪鎮江港城之且築且戰番人退守風櫃城復增兵往助攻擊數月遂揚帆去澎湖警始息然據臺灣者自若也崇禎中爲鄭芝龍所破不敢窺內地數年乃與香山佛郎機通好私貿外洋十年駕四船由虎跳門復薄廣州尋遁歸臺灣

本朝順治九年僞鄭成功率舟師攻安平城荷蘭戰敗乃棄臺

灣去十年遣使請修朝貢十三年貢使達京康熙二年荷蘭遣兵船至閩安鎮助勦海逆克取廈門金門

賜勅獎之并賞資銀緞二十五年改定荷蘭國貢道由福建入

國境

並無考

四至

貢道自福建至京師

瑞國在西北海中達廣東界俱係海洋計程六萬餘里國中四面皆大澤國人之散處者非駕船不能往來

本朝雍正十年後通市不絕

國境

四面皆水

四至

無考

噶國地居西北方凡歷海洋六萬餘里始達廣東界雍正中始

有夷商來廣東通市中國商人無有至其地者按諸番在西北者大抵皆來而互市在南洋者皆往而互市人曰本港商人船曰本港商船大約自十月至二月乘風往自六月至八月乘風回出口船隻有司于四月內造冊報部入口船隻有司于九月內造冊報部此出入之候也

國境

四至

並無考

北境

俄羅斯

土爾古特

左哈薩克

右哈薩克

俄羅斯在喀爾喀楚庫河以北地屬北邊之極古難詳考秦漢之間服屬匈奴漢有堅昆丁令北魏時爲烏洛侯國有于已厄大水所謂北海也唐時有黠戛斯骨利幹等國元時有阿羅思及吉利吉思撼合納謙州益蘭州等處皆其地也俄羅斯卽阿

羅思轉音明時阻于朔漠未通中國

本朝順治初其衆曰羅刹竊據黑龍江雅克薩之地築城居之侵擾索倫達虎爾等康熙十五年始遣使入貢諭以嚴禁羅刹毋擾邊境羅刹潛侵淨里溪等處遷延不去遂

命將率兵進討羅刹窘迫乞降及兵回潛據雅克薩如故二十四年復興師討之降者曰衆二十五年其國察罕汗上疏謝罪且請分定邊界

詔許之因定格爾必齊河北大興安山爲界自後朝貢貿易每歲每間歲一至未嘗違節度云其使臣理圖琮所錄夏至前後不甚暗日落猶可奕棋不數刻卽曙而日出正與唐書所載骨利幹國事相合自國主察漢罕汗之死無子國人立其女爲汗嗣後皆傳女迄今已七世矣國境廣袤幾二萬里分爲八道設

官統轄南界土爾古特哈拉哈兒叭哈薩克諸國及內附之喀爾喀西北尚有十餘國大者曰西費耶斯科圖里耶斯科近為所侵掠皆微弱云

國境 東西距二萬餘里 南北距三千餘里

四至 東北界海 西北界中國 東南至格爾必齊河北岸 西南至土爾古特國 西北接控噶爾 貢道自怡克都經喀爾喀進張家口至 京師

土爾古特地在俄羅斯南本蒙古厄魯特之一部落其遷徙始末莫考

本朝康熙三十八年始遣使入貢五十一年又假道俄羅斯入貢其國王駐牧之地曰馬駑托海在俄羅斯國界薩拉托付之

東南東南去肅州嘉峪關數千里

國境 東西行可三十日 南北行可二十日

四至 東至哈拉哈兒叭 西至俄羅斯 南至騰吉斯巨澤 北至俄羅斯 西南至圖里耶斯科 西北至俄羅斯 貢道自俄羅斯至 京師

左哈薩克在準噶爾西北境其國環境皆山無城郭漢時當為

康居國地

本朝乾隆二十年内附

國境 東西距千里 南北距六百里 東至塔爾巴哈臺 西至右部哈薩克

四至 南至伊犁 北至俄羅斯

貢道自伊犁至京師

右哈薩克與左部相接其部曰齊齊玉斯烏拉玉斯其地為漢

康居國西境大宛北鄙小五王故地

本朝乾隆二十三年通貢別部又有謂爾根齊

國境

無考

四至 東至左哈薩克  
南至布魯特等界  
東南至準噶爾  
西南至塔付干  
貢道自伊犁至京師

曾孫用勳校刊



